



08561

梁溪先生文集卷第九十三

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

奏議

乞輪差將兵赴帥司駐劄奏狀

奏陳生擒偽齊賊衆劄子

獎諭賑濟詔書

謝獎諭表

梁谿全集

卷九十三

乞宮觀奏狀

再乞宮觀奏狀

不允宮觀詔書

同運司乞兵捕虔賊奏狀

乞浚淮漢修城築壘劄子

乞納級計功推賞劄子

乞用瓦木蓋置營房劄子



乞輪差將兵赴帥司駐劄奏狀

契勘洪州未經兵火以前係本路馬步軍都總管司
畫奉聖旨虔州所屯東南第六將兵每上半年分
輪一半赴洪州駐劄後來洪州經兵火殘破建炎四
年內罷帥隸屬江州路安撫司并撥虔州隸屬鄂州
係湖北路虔州緣此申請續降指揮令洪州將東南
第六將起到人兵盡數抽歸元來去處至紹興元年
內洪州復置帥司係安撫制置大使蒙朝廷差兵二
萬人其虔州却撥隸本路緣已有上件軍馬帥司不
梁谿全集

卷九十三

二

曾陳乞依舊勾抽一半將兵前來更戍今來虔州不
知有前項因依習成年例稱有盜賊占吝將兵不肯
發遣洪州雖係帥司其元差兵二萬人節次撥隸他將
祇有統制官申世景計千餘人委是緩急使喚不足
難以分布防秋及彈壓一路伏望聖慈詳酌特降睿
旨許依元降指揮將本路所管將兵上下半年輪差
一半洪州駐劄仍令虔州依舊例逐旋樁辦錢糧前
來支給庶幾緩急不致依前占吝有誤國事

奏陳生擒偽齊賊衆劄子

臣竊見近日諸將獲捷其捷報內並稱生擒僞齊賊
衆多者以萬數少者亦不下數千人除願充軍外餘
皆給據放散所獲糧斛多者十餘萬石少者亦不下
數萬除給散外盡皆焚毀契勘諸路招捕盜賊卽有
給據放散歸業之理今來僞齊賊黨雖元係朝廷赤子綠
州縣未盡收復其給據之人實無所歸若令依舊歸
僞齊州縣將來不免又被驅脅從軍死於鋒刃誠可
矜憫今江淮間曠土甚多見措置營田全少人夫可
以耕作臣愚伏望特降睿旨行下諸將今後生擒到
梁谿全集 卷九十三 三
僞齊賊衆除揀選願充軍外餘人並管押赴江淮荆
湖逐路帥司令措置分俵充營田使喚實爲利便其
所獲糧斛亦乞指揮務令愛惜或可保守或可搬運
或可給散隨宜措置勿令焚毀以爲將來大兵就糧
之資實爲得策伏望聖慈特賜詳察

獎諭賑濟詔書

勅李綱省所奏賑濟饑民招還流亡事具悉朕臨朝
願治當宁興嗟念百姓之多艱恐一夫之失所而去
歲元旱遍及江湖誦雲漢之詩而不敢康致桑林之

禱而不敢怠申飭使者分拯黎元移粟他州備修荒政究茲惠術責在帥臣惟享廊廟舊弼之賢能體國家勤恤之意撫綏罷病安輯流亡方略敷施功效顯著推霖雨之餘潤活一路之生靈眷言忠勤實副倚賴爲之嘉嘆至於再三故茲獎諭想宜知悉

謝獎諭表

臣綱言伏奉詔書以臣賑濟饑民招還流亡特加獎諭臣已望闕謝恩祇受詒者宣化承流本藩方之職守念功揚善乃國家之憲章拜賜非宜以榮爲愧

中謝

梁谿全集

卷九三

四

竊以天地盈虛常數堯湯之水旱無饑民惟人事之允修宜天災之靡害爰自兵火擾攘之後初無倉廩積粟之儲歲一不登野有殍死賴宸衷之軫慮庶黎庶之咸宥惟上聖博施之仁衆宜協力活一路生靈之命臣獨何功濫膺華袞之褒益重素餐之責此蓋伏遇皇帝陛下法天覆幬如日照臨周知臣下之勤勞寸長必錄曲示朝廷之體貌細札頻頒致茲辱陋之資亦冒便蕃之寵病牛臥壠嗟筋力之易疲倦鳥思林期樊籠之可脫已上投閉之請願施從欲之恩

誓畢此生仰酬洪造

乞宮觀奏狀

右綱伏奉詔書以臣近具狀奏聞乞罷帥臣之任除一在外宮觀不允所乞仰荷聖恩第深感涕伏念臣孤陋無取叨冒已多久居患難之中但存退休之志誤承恩獎起帥大藩詔旨屢頒不容遜避黽勉就職倏忽踰年雖殫夙夜之勤曾蔑涓埃之補素餐之責啟處不遑兼臣多病早衰心力凋耗憂思健忘拜跪艱難近日以來頻在假故深恐妨廢職事有辜朝廷委寄之意屢丐閒散實以愚誠控告君父非敢備禮况今車駕巡幸建康江西一路號爲上流重鎮在吳則周瑜魯肅之所屯守在晉則溫嶠陶侃之所鎮臨宜得精力克壯之臣付以禦侮折衝之任如臣不材衰病豈可冒居伏望聖慈垂憐舊物曲賜保全特降睿旨依臣所乞除在外宮觀差遣任便居住庶幾晚節末路猶有可言天地大恩螻蟻難報干冒宸聰伏俟斧鉞之戮臣無任所懇激切之至

梁谿全集

卷九十三

五

再乞宮觀奏狀

右臣近具奏聞以臣衰病日加心力不逮深慮有誤朝廷委任乞罷帥守除一在外宮觀未奉回降指揮竊見都進奏院報左司諫陳公輔乞去以靖康間士庶伏闕爲人誣其鼓倡至今猶未辨白爲言伏念臣當時遭謗尤甚雖嘗蒙淵聖皇帝特降詔書宣示四方而仇怨至今以之藉口臣以積年往事不敢復自辯明至使諫臣援以求去在臣愚分其何敢安伏望聖慈特降睿旨檢會臣前奏速賜指揮除宮觀差遣置之閑散庶幾保全晚節不致上累國體臣無任惶懼戰越祈懇之至

梁谿全集

卷九十三

六

不允宮觀詔書

勅李綱所奏乞除宮觀差遣事具悉惟豫章之故郡實吳會之杆關控制上流鞏固南服以卿輔弼寬吾顧憂撫潢池弄兵之民當饑饉相望之後易彼儉歲化爲豐年治最彰聞璽書屢下方倚藩宣之重其圖社稷之安乃抗封章懇祈避謗且依闕之往事皆不根之浮辭排邪議以用卿斷由朕志守夙心而自信無恤人言勿復有辭往安厥位所請不允故茲詔示

想宜知悉音暖卿比平安好遣書指不多及

又同運司乞兵捕虔賊奏狀

賊人共前

據吉州中契勘虔賊謝小鬼尹寶謝凱等結集二千餘人皆是強悍累次作過徒黨自虔州興國縣前來侵犯本州廬陵大和永豐吉水縣管下虜劫作過於十月二十八日衝入永豐縣正月初五日衝入吉水縣殺人放火已遣發封武節統押諸頭項官兵會合掩殺因官兵稀少奔回潰散已再差封武節整齧軍馬向前討捕今月初六日在吉水縣七里逢賊接戰

梁谿全集

卷之三

七

勢力不加潰散內黃從義被虜袁吉州都巡傷中封武節未見下落乞差官兵前來應援安撫制置司除已差申世景下將官馬仙帶領所部兵三百人及統領官王彥選揀精銳人兵四百人前去應援捉殺外契勘今來春首正係州縣催納苗米裝發綱運及人戶耕種之時其虔賊謝小鬼等結集兇徒作過侵犯吉州諸縣旁近州縣類皆驚擾有防官司受納裝綱及百姓耕作安撫制置司雖已遣發人兵前去應援緣祇有申世景一頂軍馬一千餘人除遣發外人數

不多竊慮賊勢猖獗難以捍禦雖已劄下虔州及東
南第六將分差將官人兵前來策應又恐虔州守臣
孫祐依前占吝不肯遣發致令賊衆滋蔓均袁吉州
素來兇惡之人遞相做倣作過爲患不細伏望朝廷
特降指揮於近便處疾速摘那遣發一項軍馬三二
千人前來權聽安撫制置司節制會合捉殺所有錢
糧乞於本路近便州軍上供錢米內支撥不以遠近
前去討捕仍乞朝廷劄下虔州守臣不得依前占吝
將兵公共協力措置庶幾兇賊早得平殄一方寧息
梁谿全集 卷九三 八
須至奏聞者

乞泐淮漢修築城壘劄子

臣伏親手詔車駕將乘茲春律駐蹕建康此誠至當
甚盛之舉也臣昨奉詔書條具邊防利害嘗論駐蹕
建康爲措置之宜所當先者然其說謂淮南有藩籬
之固則建康可都宜命諸將移重兵於江北料理營
田葺治城壘則藩籬可成今大將旣已移屯矣營田
旣已施行矣楚泗旣已修築城壘矣惟是泐淮如廬
壽泐漢如襄鄧等處尚未措畫臣願陛下降詔劉光

世岳飛乘士卒之暇以漸修築如韓世忠之於楚張
俊之於盱眙楊沂中之於泗使名城堅壘繇亘相望
以張國勢以讐敵心又命朝廷選通知古今臣僚按
行淮漢深考古跡要害控扼之地如濡須塢牛渚磯
之類築壘屯兵益務自固使犬羊無侵突之虞貔虎
有蓄銳之利以守則固以戰則勝此今日之上策也
夫守戰一道也能固守而後能進戰是守者進之基
也譬如奕碁之家凡欲勝人先須自固此言雖小可
以喻大今陛下旣已斷自淵衷不貳不疑建康駐蹕
以承天意矣伏望聖慈益修戰守之備以建中興之
功天下不勝幸甚臣以衰病見丐閒散不勝臣子愛
君憂國之誠輒復自竭冒昧以聞或有可採亦臣仰
報聖恩之萬一也干瀆天聰臣無任惶懼戰越之至

乞納級計功推賞劄子

臣伏見祖宗舊制軍功賞格以首級爲法每獲一
級或轉官資或支銀絹是以當時賞功覈實無僞濫
之弊自近年以來納級計功之法廢全軍推賞之制
行諸將告捷皆以棄頭不斫橫屍滿野推墮崖谷沉

湧江湖不可計數爲言遂使有司不得覈實朝廷無所考據一軍千人則千人推賞一軍萬人則萬人計功殫官爵不足以褒寵竭府庫不足以錫賚歲用之廣百倍往時罄百姓之脂膏耗朝廷之根本日益月增殊無藝極臣未見其可也今也車駕巡幸建康將定恢復中原之策則所以懋賞報功使將士知勸節以制度使國用不匱不可不深爲之慮也臣愚伏望聖慈特降睿旨今後諸將告捷並計級數不得以棄頭不斫橫屍滿野推墮崖谷沉湧江湖爲言除保明驗實計級推賞外其有選鋒陷陣強弩破敵立到奇功之人雖不獲級別許保奏優異推恩庶幾實立功効之人有所激勸而朝廷無濫賞之費戡亂定功不難致也取進止

臣伏乞用瓦木葢置營房劄子

臣伏見朝廷以涇江州郡多火災慮有姦細作過累降指揮嚴行禁戢事理固當如此臣竊謂軍馬屯聚去處往往取辦一時祇以茆竹蕭巖之屬葢搭房舍以省功力一有遺漏不可救止火力所及官司屋宇亦

遭焚藝至及萬家或靡有孑遺者如前日臨安鎮江
太平州之類是也今車駕巡幸建康千乘萬騎理當
建置營房屯駐將士謂宜寬商賈以招徠材植置官
窰以燒變磚瓦下傍近州縣以摘那工匠選有材者
專董其事不數月久卽見就緒仍禁止民間自今不
得以茆竹葢房已葢造者漸行修換嚴保伍巡邏之
法謹防虞器具之備以絕回祿之患其餘州郡有軍
馬屯聚去處亦可依此施行庶幾火不能作人皆安
堵區區愚慮干冒天威取進止

梁谿全集

卷五

梁溪先生文集卷第九十三
...

梁溪先生文集卷第九十四

特進觀文殿大學士致仕隴西郡開國公食邑
四千四百戶食實封一千七百戶贈太師諡忠
定李綱著

奏議

道君太上皇帝升遐慰表

宣德皇后上僊慰表

乞推廣孝思益修軍政劄子

車駕巡幸建康起居表

梁谿全集

卷九十四

論建中興之功劄子

論舉直言極諫之士劄子

乞不必遠召將帥劄子

乞差兵會合措置虔冠奏狀

奏議

乞李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

道君太上皇帝升遐慰表

具奏天

臣綱言今月初六日准尚書省劄子正月二十五日三省樞密院同奉聖旨何辭奉使迴得大金國右副元帥書具報道君太上皇帝久違和豫厭世升遐禍變非常五情崩潰叩地號天無所迨及凡在臣庶悉同哀慕臣已率在州官吏於今月初七日舉哀成服訖者國家鍾九六之運鑿與有沙漠之行遽厭棄於人寰遂上賔於帝所徒抱遺弓之恨莫聞憑几之言臣民慟心天地改色臣綱誠哀誠痛頓首頓首伏以

梁谿全集

卷九十四

二

道君太上皇帝聖由天縱道本生知儲精十閭之間圖治百王之上遜禪侷於堯舜憂勤過於禹湯適遭醜虜之憑陵因致翠華之播蕩關河萬里霜露十年朔野馳心猶佇八龍之返使輶通問空纏九土之悲恭惟皇帝陛下備極人倫敦崇聖孝孺慕不忘於宵旰深思欲見於羹牆嘗瞻枕戈夙講奉迎之計問安視膳阻伸致養之誠罹此閔艱何以堪處伏望爲宗社之大計副生靈之至情少抑聖懷俯從禮制冀昊穹之悔禍乘將士之奮忠報不共戴天之仇神人所

助建中興復古之業華夏永寧

宣德皇后上僊慰表

臣綱言今月初六日准尚書省劄子正月二十五日三省樞密院同奉聖旨何薛奉使迴得大金國右副元帥書具報道君太上皇帝久違和豫厭世升遐宣德皇后亦已上僊禍變非常五情崩潰叩地號天無所迨及凡在臣庶悉同哀慕臣已率在州官吏於今月初七日舉哀成服訖者天柱傾而絕地維日華虧而沉月魄矧陟方於遐域尤軫慕於聖懷承命震驚

梁谿全集

卷九十四

三

拍心摧頌臣綱誠哀誠痛頓首頓首伏以宣德皇后體儷宸極德合坤靈上皇資內助之賢淵聖嚴母儀之奉嶽音流乎海宇懿範著於宮闈遭國步之艱難從鑿輿而出狩惟備嘗於險阻致或爽於興居問寢龍樓莫遂九重之養傳音沙漠空遣萬國之悲恭惟皇帝陛下夙蘊孝思永懷慈訓以富貴崇高而不得盡人子之志以兵威強盛而未能報敵國之仇忽內訌之遽聞諒至情之曷處念四海亂離之未靖膺兩宮寄托之匪輕嘗膽有爲冀刷懲陵之恥茹荼雖痛

願寬哀慕之情用慰在天之靈是爲報親之義

乞推廣孝思益修軍政劄子

臣伏觀皇帝陛下以奉使何薜回得金國右副元帥
書報道君太上皇帝久違和豫厭世升遐懿德皇后
亦已上僊聖情追慕孝思罔極顏色之戚哭泣之哀
羣臣不忍仰視傳於四方莫不殞涕雖遵國家舊制
以日易月而宮中自行三年之喪雖俯狗宰執百官
之請七降批答始以軍事方棘不得已而從之猶施
素幄聽政於几筵之側聖孝隆厚度越百王簡冊所
載未之有也臣聞之禮經曰父母之仇不與其戴天
爲匹夫而能復仇者前史美之況於萬乘之主乎金
人之道以其詐謀陵中國破都城邀兩宮以北狩而
置之漠北苦寒之野飲食衣服醫藥皆不得如意以
至此大故此陛下不共戴天之讐也訃音之來旣不
以時又以朝廷新有武功始遣使回具報凶問皆其
姦計豈誠意哉遣發使人奔問諱日奉迎梓宮在人
情固不可後然或從或違處其度內皆未可知臣恐
議者又以此爲敵人之重有害於吾自治自強之術

梁谿全集

卷九十四

四

則在朝廷不得不先定其策也自建炎以來爲和議所誤專務退避國勢日蹙主威日削失天下者大半方幸近年天啟宸衷悟和議退避之非爲治兵進討之計天聲漸振虜僞震驚將有恢復之期倘或緣此墮其計中小不忍以亂大謀則爲害有不可勝言者矣昔新城三老說高祖曰明其爲賊敵乃可服高祖聽之三軍縞素爲義帝發哀率諸侯東嚮以誅項籍而漢楚勝敗之勢遂分今陛下詔屯邊將士不用舊例盡爲道君太上皇帝舉哀其策得矣臣聞將士感

梁谿全集

卷九

五

憤至有感哭連日不輟者人心戴朱追思道君太上皇帝恩德久而不忘於此可見臣願陛下順人心承天意益廣孝恩施之行事枕戈嘗膽修政攘戎以報不共戴天之仇以刷中國之恥一飲膳一寢興無不以兩宮大故爲念則必有合於天人之願者矣匹夫之孝感動天地至有魚躍於冰笱生於冬者而況陛下貴爲天子富有四海孝悌之至通於神明聖心感格所欲其有不從者哉臣以愚直荷道君太上皇帝知遇雖嘗抵牾終不棄捐奉迎南都恩撫甚渥聞問

哀動不如無生惟有孤忠願納之陛下故敢罄其狂
瞽不避斧鉞之誅妾有獻陳伏望聖慈不以人廢言
與五六大臣深議而力行之天下不勝幸甚于胥天
聽取進止

車駕巡幸建康起居表

建康縣志云

臣綱言伏覩都進奏院報車駕以二月二十七日進
發巡幸建康府者乾旋坤轉共知天意之回雷動風
行頓覺皇威之暢御六龍以于邁屯萬乘於要區三

靈歡欣四海呼舞

中竊

以江左之形勝莫如建業之

梁谿全集

卷九十四

六

渾雄自昔稱帝王炳於今爲東南之會控引淮海襟
帶江湖豈惟民物之阜蕃實乃舟車之輻湊玉麟神
璽晉以中興虎踞龍蟠吳資用武兵戈之後王氣方
隆皇帝陛下慨國步之多艱憫帝都之未復因其天
險濟以人謀高祖之困關中戰必勝而攻必取光武
之保河內利則伸而鈍則蟠赤縣神州行遂定都於
河洛靈川沃野聊茲臨幸於江山方將張皇六師震
疊中土駕馭貔虎剪屠鯨鯢掃陵寢之氛埃葺宗廟
之鐘簴恢復故境再臻太平而臣誤被宸恩濫當闕

寄雖長隄新廡竊慕於韋州顧重鎮上流有慙於溫
嶠心馳魏闕莫參鴛鴦之行地近日畿益傾葵藿之
志臣無任瞻天望聖激切屏營之至謹遣左朝奉郎
充本司幹辦公事韓岳謹行在所奉表起居以聞臣誠
惶誠恐頓首頓首謹言

言順論建中興之功荀子

臣伏觀車駕以仲春合辰發軔吳門巡幸建康斷自
宸衷不貳不疑慨然有恢復土宇掃清中原拯濟蒸

黎戡定禍亂克剪大憝刷恥復仇之志天下臣子莫

梁谿全集

卷九十四

七

不望風鼓舞怵蹈踴躍願少須臾無死以觀中興之
功誠甚盛之舉也臣竊觀自古建功立事扶持社稷
之臣未嘗不以立志爲先申包胥聞伍員有覆楚之
言則曰我必存之其後吳秦庭以乞師卒如其志張東
之語武氏於荆南江中其後卒復唐祚垂祀三百夫
一夫發念其烈如此而況以聖明之資爲萬乘之主
乎高祖之志見於不肯鬱鬱久居漢中而與韓信論
定三秦之策光武之志見於披輿地圖於信都城樓
上與鄧禹論天下大計此皆志定於前功成於後初

似落落難合而卒能建大功立大名定大業功施於
當年名垂於後世載在典冊不可誣也恭惟皇帝陛
下天錫勇智運屬艱難遵養時晦之久應機立斷儼
然改圖思欲撥亂興衰光復祖宗之大業故親總六
師以臨江表捨去吳越而幸建康漸爲北伐之計志
慮規模可謂宏遠矣臣願陛下益廣聖志擴而充之
與神爲謀日新其德勿以去冬驟勝而自怠勿以目
前粗定而自安凡可以致中興之治者無不爲凡可
以害中興之功者無不去有所規畫措置必以天下

梁谿全集

卷九十四

八

爲度必以施於長久可傳於後世爲法則中興不難
致矣夫中興於用兵止是一事要以修政事信賞刑
明是非別邪正招徠人材鼓作士氣愛惜民力順導
衆心爲先數者旣備則士奮於朝農安於野穀粟充
盈財用不匱將帥輯睦士卒樂戰用兵豈有不勝者
哉方今黠虜雖強不仁不義專務變詐暴虐以脅制
天下神怒人憤莫之與親自古豈有如此而能久立
國者正如隆冬固陰沍寒層冰千里陽和旣回應時
消釋此理之必至無足怪也昔者苻蠡說越王勾踐

以持盈者與天定傾者與人節事者與地勾踐用之
國以富強然又必以人事與天時相參然後乃能成功
遂以報吳臣竊觀國家去歲諸路豐穰今春雨暘調
適又將豐歲是在戎者得天時矣正當修人事以應
之以我之無覺待彼之有覺則戡亂定功役不再籍
夫何難之有臣以固陋自靖康以來與聞國論獨持
戰守之策不敢以和議爲然今十有二年矣孤危寡
與屢遭謗誣仰賴聖明曲加照察脫身九死之濱今
得承乏待罪方面恭聞戎輅臨駐江干將大有爲以
梁谿全集

卷之四

九

成戡定之烈欣幸之情倍萬常品顧雖衰病尚庶幾
未填溝壑間獲觀陛下恢復中原擔憤千古志願畢
矣輒罄狂瞽干冒天威

論舉直言極諫之士劄子

臣伏觀二月九日手詔以太陽有異氛氣四合中外
外待從之臣遵前後詔書各舉能直言極諫之士一
人將諷以過失次第施行用承天意有以見陛下克
諱天戒思聞讜言銷弭變故以助中興之運甚盛德
也臣竊考西漢舉賢良文學之士詳延於庭如董仲

行公孫宏晁錯之徒不遇對策一篇指明時政得失
至本朝設賢良方正能直言極諫科始有進卷及試
六論乃對廷策其六論題雜出於經史注疏之間所
以求卓識洽聞之士號爲制科其人如富弼張方平
夏竦皆致宰輔其次如錢易錢明逸孔文仲武仲蘇
軾蘇轍兄弟之流皆爲名士論議有補於國家然制
科之舉貫穿古今汪洋浩渺非強記博識積以歲時
未易能究其業所以朝廷近年復置此科未有應合
者無足怪也今者陛下以天變之故詔中外待從之
梁谿全集 卷九十四 十
臣遵前後認書各舉能直言極諫之士臣深慮有司
拘以進卷六論牽制舉者難於得人無以仰副陛下
咨訪闕失寅畏天戒之意臣愚欲望聖慈特降睿旨
將今來所舉直言極諫之士與免進卷六論祇令對
策於廷仍於制策內許其展盡無隱庶幾直言嘉謨
得以上聞其進卷六論自以待應科目之士天下不
勝幸甚取進止

乞不必遣召將帥劄子

臣伏覩陛下駕御將帥恩禮兼隆至有不遠千里召

赴行闕者燕射錫賚賜與優渥此誠足以得其心而用其力也將師荷眷遇之厚爭先望天光而聆玉音竭蹙造朝惟恐居後此亦臣子之至情然臣聞之古之善爲將帥者非有大事不去屯所文帝欲勞棘門灞上細柳之軍則親臨之凡以三軍之命係於主帥機事之來問不容髮使帥不在軍敵人覘而知之卒有警急何以應敵今將帥既輕千里而入覲又有進對燕犒之留連邊境有虞誠不可不慮伏望聖慈留神深念自今非有大謀議不必遣召將帥如有燕賜之恩遣近臣卽其軍中可也庶幾將帥得以畢精盡慮爲陛下敵愾禦侮以圖恢復將來武功告成中國乂安之後念功賞勞出於曲賜朝夕進見體貌有加鐘鼓不作則遣使以訪之惟陛下所幸耳愚慮所及冒昧以聞死有餘罪惟陛下裁察取進止

乞差兵會合措置虔寇奏狀

契勘虔州管下盜賊多是舊來招安已受官資及已有差遣不曾起發赴任離去巢穴之人近緣知州孫佑措置討捕有討捕之意無討捕之術謀慮不密漏泄

事機致令皆懷反側結集復行作過如周十隆張大
閑謝凱尹寶謝小鬼頭項不一多者數千人少者數
百人遞互入火劫掠鄉村殘破縣邑虔州管下如興
國雩都虔化瑞金等縣並遭毀焚謝小鬼等近者侵
犯吉州界分殘破永豐吉水等縣逼近州城又於太
和萬載縣界內盤泊作過本司遣發申世景下將官
馬仙統押兵馬前去會合巡尉及吉州將兵追襲
斬殺五百餘級殺獲首領蕭破洞賊勢方沮又遣
統領官王彥將官王勝各統所部軍馬前去永豐興
國縣界會合巡尉討捕張大閑周十隆尹寶李安淨
等除近據虔州將官曹綱申殺獲尹寶賊徒不
計數目及據統領官王彥申已討蕩永豐縣賊沈三
千軍生擒賊首殺獲三百餘人并據吉州申張大閑
已就招安見赴州公參及據虔州將官何榮申殺敗
周十隆等復奪興國縣追襲至贛縣界殺死賊徒五
百餘人又據將官馬仙申殺敗徐聳賊徒生擒徐聳
已解吉州根勘本司已具逐項因依申朝廷外竊緣

近來周十隆與謝小鬼尹寶殘黨及自餘賊徒丁二

十一謝二十八花張細計明寶丁和尚呂添男謝
凱陳八梗廖車頭十等五相合火人數衆多雖累次殺
敗尚未衰息本司已劄下將官馬仙統領官王彥專
一於永豐興國縣措置討捕并近蒙朝廷差到福建
路統制李貴下軍馬前來會合今月初二日據李貴
申已將帶所部軍馬前來虔吉州盼首會合捉殺所
有隨軍老小乞於吉州屯泊本司已劄付吉州踏逐
官屋及寺院屯泊並應副錢糧外契勘虔賊累年出
沒作過正如溪洞獠人不復知有王化致令虔州一

梁谿全集

卷九

七

州財賦催理不行傍近郡縣皆被其毒爲害甚大若
朝廷必欲掃蕩巢穴窮究根株爲一勞永逸之計非壓
以重兵且招且捕將招出頭者并架點徒黨押赴軍
前使喚使良民漸次歸業未見其可兼虔州南安軍
見有廣南劉宣河南李才古政譚誠鄧宣芳正等賊
徒各數千人頭項不一李貴軍馬人數不多未可全
然倚辨竊見湖北京西路宜撫使岳飛下軍將多在鄂
州屯駐見於本路起發錢糧前去應副若乘此邊境
喘息別無探報之時選擇得力統制統領官摘那數

千人前來本路就糧權聽本司節制令與李貴及本
路兵將會合措置不數月間決可平殄將來盜賊既
平之後亦須且留李貴軍馬屯泊吉州與本路兵將
相爲表裡彈壓使殘黨不敢復出嘯聚作過或有作
過之人卽時討殺此爲得策若目前討捕不遣重兵
只據見在兵將竊緣賊火數多官軍有限勢力疲之
別無策應難以成功若將來賊平之後不別屯軍馬
但以虔賊付之本路將兵軍力單弱必待殘破州縣
屠害生靈一方震擾廼始申告朝廷遣兵應援緩不
及事爲患不細兼虔吉州殘破縣分賊平之後亦合
體究着實蠲放稅租使民戶得以安業除已遣朝奉
郎本司幹辦公事韓岳詣朝廷稟議外伏望聖慈特
降睿旨令朝廷詳酌措置施行

梁谿全集

卷九十四

十四

梁溪先生文集卷第九十五

特進觀文殿大學士致仕隴西郡開國公食邑
四千四百戶食實封一千七百戶贈太師諡忠
定李綱著

奏議

乞差趙不華等充招捉盜賊官奏狀

乞就都督府遣發得力統制官部押三二千人
前來使喚奏狀

差官體究周十隆等受招安及合李貴差人入

梁谿全集

卷九十五

寨告諭奏狀

辭免轉金紫光祿大夫奏狀

周十隆不從招撫李貴進兵殺散乞差岳飛下

兵就糧討捕奏狀

奏議

乞李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁溪先生文集卷第九十五

乞差趙不華等充招捉盜官奏狀

契勘本路虔吉筠袁撫州南安建昌軍等處常有盜賊結集作過其初微細正緣巡尉不切用心向前緝捕漸至滋蔓及至會合諸處巡尉又無節制統一年前乍卻遂令賊徒得生姦計招誘徒黨恣行劫掠暨遣官兵前去討殺賊徒即時分散藏伏更無蹤緒官軍既退又復嘯聚出沒作過若不別作措置深慮騷擾州縣殘害良民不得安業爲患未已今相度欲於本司置措置招捉盜賊官兩員不拘京朝官選人擇有風

梁谿全集

卷九五

二

力材幹曾經捕盜有功績之人充上項差遣依本司幹辦公事理爲資住除身分請給外遇差出措置應本路州軍有盜賊竊發去處合行會合巡尉討捕招捉盜賊破券一道其供給等並於本司錢內支破應本路州軍有盜賊竊發去處合行會合巡尉討捕即差措置招捉官前去措置統率討捕其巡尉怯懦不肯向前之人並許申本司體究得實按劾奏聞庶幾巡尉有所統一協力向前不致誤事盜賊易得衰息今竊見右承議郎前知臨江軍新淦縣事趙不華右

儒林郎筠州軍事判官馮汝嘉逐官委有材幹風力
在任捉獲兇惡強盜人數甚多殺獲賊首鄒烏八及
拍到單子琛等績効尤著本司已保明乞優異推恩
外如蒙朝廷許置上項員闕卽乞差前件官兩員充
填

小帖子

契勘本路虔吉等州盜賊時復作過卽與其他
諸路帥司事體不同兼本司減罷文臣準備差
遣五員外止有幹辦官五員節次蒙朝廷差委

梁谿全集

卷九五

三

前去逐州催捉軍器和糴軍儲等事委是闕官
今來所乞措置招捉盜賊官兩員如止許暫時
措置候盜賊寔息日罷亦乞朝廷特賜詳酌施
行

契勘近日虔賊謝小鬼等侵犯吉州及張大開
周十隆等見在永豐興國縣界首作過本司已
遣發兵將前去措置外其永豐縣又有一項李
安淨嘯聚徒黨劫掠作過人數漸多契勘右承
議卽前知臨江軍新淦縣事趙不華見得替在

洪州寄居本司已逐急依所得便宜指揮差本
官權充措置招捉盜賊官前去統率巡尉討捕
李安淨等外伏乞睿照

乞就都督府遣發得力統制官部押三二千人
前來使喚奏狀

據統制官李貴申虔賊周十隆節次差人前去說諭
朝廷德意許之自新前來公參其周十隆並不遵稟
及故違江西安撫制置大使司所立日限反覆並不
從招撫出參依近降指揮合行討捕兼准樞密院劄

梁谿全集

卷九五

四

子若不聽從卽會合本路應干捕盜官兵等併力勦
捕外竊緣周十隆所居巢穴係在山谷深僻去處徒
黨衆多據貴所管官兵委是分布不著除已申虔州
差撥將兵外申本司乞差兵前來會合措置勦捕施
行本司契勘所管申世景一軍止及一千餘人見今
差出將官馬仙王勝孟通統領官王彥等前去討捕
吉州賊尹寶臨江軍賊李安淨虔州虔化賊賴漏八
袁州石鐵牌潘小叔等已起發過一千二百餘人委
是無兵可以差撥竊緣周十隆等係虔州劇寇所養

槍杖手三千餘人謝小鬼二千餘人其餘頭首如謝
光謝譔張收萬雲田玉盧超張廸等各係招安已授
官資差充諸州指使未曾赴任之人每名所養槍杖
手皆不下三二千人從來並聽伏周十隆使喚今來
周十隆旣不遵稟朝廷指揮公參致令官軍進討決
須殲聚徒黨抗拒官兵若官軍人數單弱不能討捕
卽其餘頭項首領定須儆作過爲患不細本司累
具申呈乞就便差撥岳宣撫下一項軍馬前來同其
措置至今未奉回降指揮今據統制官李貴前項申
梁谿全集 卷九五 五
述事勢迫急伏乞特降指揮早賜差撥或只許就都
督府遣發得力統制官部押三二千人星夜前來應
副使喚不過一兩月間決可擒捕周十隆謝小鬼等
其餘首領亦可以重兵彈壓使之出離巢穴永絕後
患

差官體究周十隆等受招安及令李貴差人入

寨告諭奏狀

勘會虔州興國縣管下有周十隆錢響謝小鬼等結
集徒黨作過本司節次依奉朝廷指揮劄下統制官

李貴措置招捕近雖據李貴申稱賊首周十隆等願受招安祇是發遣到次首領鍾岷錢寶劉集二名赴虔州公參外其正首領周十隆等各未曾出官公參及李貴所給公據五千道差人送入賊寨放散徒黨亦祇是據憑賊人具到人數給與公據並不曾當官逐一揀放本司尋訪聞得賊徒收領公據在寨實未曾放散徒衆歸業見今依前恃嶮不肯出參遂差使臣李俊齋榜劄付李貴差人指引入寨說諭頭首周十隆等再限三日出官公參及令將徒黨當官逐人揀選存留強壯築黥之人同正次首領並行解赴本司如出違所立日限遷延不出卽會合官兵併力措置討殺及具狀申奏朝廷去訖續准樞密院三月十四日劄子爲周十隆累經招安反覆作過奉聖旨除賊首周十隆一名不赦外其餘徒衆許其自新本司緣爲逐人已有願受招安之意及再立限差人入寨曉諭亦於今月十一日再具因依申奏乞依本司已行事理催促招諭候到司日依元降指揮特與招撫去後至十二日准樞密院劄子周十隆等願受招安

雖已降指揮不赦緣今來既有自新之意理宜寬貸
劄付本司指揮李貴疾速措置招撫及十三日再據
李貴申備據興國縣狀稱周全錢響謝雲於三月二
十三日赴縣出頭公參了當即時歸回各人本住處
訖本司亦已不住劄李貴催促說諭正次頭首周全
等立限赴軍前公參同揀選到強壯徒伴解發前來
本司外今訪聞得統制官李貴備據興國縣所申周
全等赴本縣公參卽不曾入縣其逐人將帶徒黨槍
杖手數百人前來城外下寨係本縣知縣出城接見

梁谿全集

卷九五

七

周十隆等便當公參并李貴先申周十隆等願受招
安已給公據五千道前去其徒黨亦未放散除已差
委本司准備差遣右承直卽錢受之躬親起發前去
密切體究周十隆等的實受招安事理保明供申仍
計會李貴差人入寨分明告諭周十隆錢響謝小鬼
等體念朝廷寬大之恩催促依限同以次首領及一
行徒黨赴李貴軍前公參逐一當官揀選被驅虜脅
從及老弱等人放散外其強壯桀黠人并一行正次
首領令李貴量留人馬在虔州彈壓將帶自餘人馬

管押赴司出頭若違限遷延不出意在欺罔朝廷不
稟本司指揮卽行進兵措置討捕須要擒獲賊首不
容走透

小帖子

契勘虔寇自來作過遞相關借槍杖手以助聲
勢本司切慮周十隆旣不伏公參官軍進討必
於諸頭項下借槍杖手已出榜曉諭今來官軍
止是討捕不遵稟朝廷指揮周十隆謝小鬼兩
人其餘首領謝先等不得關借槍杖手如有暗
行關借之人本司察探得知將來朝廷遣發大
兵並須一例討殺如有却能擒捕周十隆謝小
鬼等赴官並依賞格保奏推賞亦乞睿旨
辭免轉金紫光祿大夫奏狀

右臣准尚書省劄子四月十六日三省樞密院同奉
聖旨李綱典藩踰年民安盜息寬朕憂顧宜有褒嘉
可特轉金紫光祿大夫劄送臣照會仰荷聖恩第深
感涕伏念臣孤陋無取叨冒已多久居危患之中但
有退休之志誤蒙恩獎起帥大藩詔旨屢頒不容遜

避黽勉就職倏忽踰年雖殫夙夜之勤曾茂涓埃之
補素餐之責啟處不廷迺蒙異恩特加遷秩無功之
賞豈所敢當況今車駕巡幸建康江西一路號爲上
流重地在吳則周瑜魯肅之所屯守在晉則溫嶠陶
侃之所鎮臨宜得精力克壯之人付以禦侮折衝之
任如臣不材衰病實難冒居伏望聖慈特降睿旨追
寢成命仍檢會臣累奏陳乞除一在外宮觀差遣任
便居住庶幾晚節末路猶有可言天地大恩螻蟻難
報所有特轉金紫光祿大夫恩命不敢祇受

梁谿全集

卷九十五

九

周十隆不從招撫李貴進兵殺散乞差岳飛下
兵就糧討捕奏狀

准樞密院都督府劄子樞密院奏勘會昨降指揮合
李貴將帶全軍前去招捕虔吉盜賊其本軍已入江
西界多日並未見申到招捕人數措置次第今據
江西安撫制置大使司申虔賊周十隆等於今年
正月內結集賊徒在虔化等縣殺人放火作過大段
猖獗顯見本軍遷延玩寇不爲速行措置致賊滋蔓
兼周十隆係累經招安授官後來又復作過理難容

貸三月十四日奉聖旨除賊首周十隆一名不赦外其餘徒衆許其自新仰李貴統率官兵疾速前去措置招捕須管生擒周十隆其擒獲人依格推賞外更支錢一千貫招到徒黨並特免罪將脅從并老弱人放令歸業留強壯人隨軍使喚務要速得平殄無致遷延走逸滋長劄付本司催促措置招捕施行

右勘會前項周十隆等賊徒先准指揮台統制官李貴措置先行招撫如不聽從卽會合兵將巡尉併力勦捕本司遂不住催促李貴措置招捕近據李貴申

梁谿全集

卷九五

十

差人齎旗榜入寨招安取到周十隆錢響謝小鬼等願受招安文狀只是發遣到次首領鍾岷等三名赴官外其正頭首周十隆錢響謝小鬼等未曾赴官公參本軍雖出給公據五千道差人送入賊寨放散徒黨亦止是據憑賊人具到人數給與公據卽不曾當官逐一揀放本司尋訪問賊徒收領公據在寨寔未曾放散徒衆歸業見今依前恃嶮不肯出參本司再於

三月二十八日差使臣李俊等齎榜前去入寨說諭頭首再限三日出參又劄下李貴如周十隆等依得

本司所立日限出官公參即將徒黨逐一當官選揀
將正次頭目并強壯桀黠人存留並行解赴本司其
被虜脅從及不堪披帶人給據放令歸業如出違今
來所立日限遷延不出卽會合官兵併力措置討捕
今准前項聖旨指揮除周十隆不赦外其餘徒衆許
其自新等事理本司契勘今來周十隆錢響謝小鬼
等本司已依元降指揮再立日限差人前去說諭出
官公參未到若便遵依今降指揮施行緣一行徒衆
皆係久來附從周十隆作過之人竊慮本人誘惑驅
梁谿全集

卷九五

七

率別致走透殺害平民卒難殄滅欲乞候見得周十
隆等如依得本司差人說諭赴官公參揀放徒伴了
當卽候解發到本司日依朝廷元降指揮特與招撫
若依前不伏出首卽依今降聖旨指揮周十隆不赦
行下統制官李貴等措置并力討捕施行更合取自朝廷指揮

小帖子

契勘本司累具奏聞并申樞密院都督府乞就

湖北北京西路宣撫使司差撥兵將前來討捕處

賊未奉回降指揮今來朝廷灼見周十隆過惡

已降聖旨指揮不赦勢必用兵討捕竊緣虔州將兵係是士人多與賊情相通互相閃避不肯用命兼有其餘賊火分壁前去捉殺所差到李貴軍馬人數不多及本司官兵亦是單弱難以分布把截要害去處使不致走透深入巢穴必可擒捕今來只乞就岳飛下差撥三千人前來本路就糧討賊不過兩三月間便可討蕩又緣周十隆係虔州前後作過羣賊所宗若就擒捕其他羣賊皆可措置平殄既已降指揮不赦而兵力不能勝之卻致猖獗則爲害必大伏望聖慈特賜詳酌早降睿旨施行

梁谿全集

卷九五

十一

契勘軍行糧食爲先若差他處軍馬前來討捕虔寇卽須又有錢糧之費如蒙朝廷就近差撥岳飛下軍馬卽於本路就支錢糧實爲利便亦

乞聖察

命兼

朝興

梁溪先生文集卷第九十六

持進觀文殿大學士致仕陞西郡開國公食邑

四千四百戶食實封一千七百戶贈太師諡忠

定李綱著

奏議

同諸司乞兵應副本路急闕使喚奏狀

再辭免轉官奏狀

准省劄催諸州軍起發大軍米奏狀

謝賜夏藥并銀合茶藥表

梁谿全集 卷九十六

謝轉金紫光祿大夫表

再謝文選百表狀

再謝文選百表狀

同諸司乞兵應副本路急闕使喚奏狀

表狀

表狀

四千四百戶食實封一千七百戶

許敬賦文選大學士致仕陞西郡開國公食

同諸司乞兵應副本路意闕使喚奏狀

契勘本路自今年正月以來致已受招安人周十隆
謝小鬼錢響等作過蒙朝廷差到統制官李貴部押
軍馬前來措置招捕至今未見了當其鄰近州縣素
來克悍不逞之徒遞相做倣嘯聚猖獗頭項不一帥
司雖隨宜遣發兵將前去討捕緣軍馬單弱分俵不
着以此賊徒窺見官軍次第無所忌憚結集火數漸
多滋長難制雖累具申奏朝廷就便遣發軍馬前來
應副使喚至今多日未奉回降指揮遂司照對目卽
梁谿全集 卷九十六 二

本路虔吉撫州南安臨江建昌軍管下皆有盜賊作
過日逐不住據逐州軍申乞差兵收捕逐項盜賊帥
司見管統制官申世景下人兵節次差出外別無兵
將遣發今再具日近據州縣申到盜賊及已差發兵
將措置討捕下項

第一虔州興國縣賊首周十隆謝小鬼依奉朝廷指

備小揮合催促統制官李貴措置招捕近據李貴申

契勘逐人願受招撫除已發到錢響一名見左軍前

外其周十隆謝小鬼等並不體認朝廷寬恩許

令自新之意一向推托不肯前來公叅及給夫
公據亦不曾放散徒黨故違帥司再立日限見
依朝廷指揮會合虔州將兵討殺未見了當

一據撫州等處申有虔州虔化縣賊賴花十九賴
漏八賴二十四賴十七及客賊李八盧四程念
八鄧軍四羅賴九等糾合一千餘人先侵建昌
軍南豐縣界以次撫州宜黃臨川崇仁縣衝散
官兵殺人放火劫掠作過帥司已差申世景下

將官王勝管押軍兵二百餘人前去會合巡尉討

梁發主集

卷九十六

三

捕及就差見在永豐縣捕賊統領官王彥軍
兵四百餘人取徑路前去措置掩捕未見申到

次第

一近據袁州申萍鄉縣界見有湖南賊石鐵牌及
王權蘇勝陳老虎殘黨分吉州安福縣潘小叔
質和尚等賊數頭項合成一火劫掠作過本州
差官兵巡尉收捕兩次衝散殺死弓兵不少見
今猖獗人數已及七八百人別無官將捍禦委
是危急帥司已逐急差元在吉州捕賊將官屬

仙將軍馬三百餘人前去討殺至今未見申到次第
一據臨江軍申賊人李安淨等雖被統領官王彥
殺獲一百餘人生擒次首范少七一十餘人外
見有賊首李安淨分殘黨未獲出沒作過已
差將官孟通軍馬討捕未得了當

一據吉州申賊徒尹寶等雖被將官馬仙殺散及
擒獲尹寶全家父母妻子等有賊首尹寶等殘
黨依舊嘯聚作過未得了當

梁谿全集

卷九十六

四

一又據吉州申有永新縣賊王該等嘯聚四百餘
人劫掠作過及擄去虔州節推劉彥登家屬見
差巡尉前去招捕未獲

一據南安申近有侵犯城下作過賊人邱明殘黨
一古政芳正劉思同方全朱明譚誠鄧宣等一千
餘人見在管下沙村等處作過帥司已劄差虔
州將兵三百人前去本軍同巡尉措置討捕來
見申到了當

一據虔州申瑞金縣賊蔡居道等糾集徒黨二千
餘人拘執催稅官權縣裴汝能殺死人吏弓兵

等劫奪去係官錢物見委官前去體究及劄下
度州差將兵前去措置未見申到次第

一契勘度州管下已招安有名目差遣不曾起離

巢穴之人除周全錢響外見有張收謝先謝謹

萬雲田玉謝響盧超張迪等千餘人各立山寨

收養槍手各係三三千人平時聽伏周全使喚

今來李貴進兵其周全已與張收同共作過竊

慮餘人反側不安別致生事帥司除已劄下李

貴止係捕周全謝小鬼外不得以捕捉周全爲

梁谿全集

卷九十六

五

名搔擾其餘已受招安人引惹生事帥司雖已

出榜曉諭亦須壓以重兵使懷反側之人不敢

作過

右逐司契勘本路見有前件賊火頭項不一帥司雖

已分遣官軍前去收捕終止有申世景一項軍馬除

火頭輜重外可以出戰不及千人差出討捕每頭項

不過三百人伺候一處賊勢稍散又移佳一處討捕

其差出兵將例皆暴露日久疲乏別無人兵可以策

應抵替其李貴所部軍馬人數亦是不多深慮賊徒

結集愈衆輕視官兵轉見滋蔓侵擾州縣難以制禦
欲望聖慈體念一路事理非輕特賜睿旨檢會帥司
累奏就都督府差撥一頭項軍馬三五千入前來本
路應副急闕使喚候盜賊並息卽時發遣歸元來去
處所貴有所倚仗臨時不致誤事

辭免轉官奏狀

右臣近准尙書省劄子備奉聖旨以臣典藩踰年盜
息民安宜有褒嘉特轉金紫光祿大夫等具奏辭免
伏蒙聖旨降詔不允臣不勝惶懼感激之至臣竊以
梁谿全集

卷九十六

六

帥守之職當任一路之責非若列城膺一郡之寄而
本路自今春以來虔寇作過驚擾旁郡雖遣兵討捕
等卽敗獲然以軍馬單弱之故未能掃蕩巢穴窮其
根株以寬朝廷憂顧罪戾是虞何功之有倘以盜息
民安爲名叨思賞典公議謂何非獨臣所未安實亦
有累國體兼臣屢以衰病請閒見患瘡瘍久在假故深
慮妨廢職事復致煩言伏望聖慈特降睿旨追寢成
命以安愚分仍乞檢會臣累奏除一在外宮觀差遣
任便居住異時蒙被驅策誓極糜捐干冒天威無任

戰越

奏保糧土均米舊儲一百二十六萬六千石
准省劄催諸州軍起發大軍米奏狀

今月二十二日准行在入內侍省降到金牌字御
封六月十七日尙書省劄子節文降到指揮合江西
轉運司於去年上供等米內起發五十萬石前云江
州樁管檢近除豁二萬二千二百餘石充一路數內
多科之數一萬石應副洪州一萬石虔州減免外有
四十五萬七千七百餘石雖近據送運判具到已發
四萬七千石亦未見申到的實起發綱解契勘朝廷
梁谿全集 卷九十六 七

見行措置軍事其上供米斛且暮便要支遣不可少
有稽緩有誤軍食右已劄下轉運司據未發米斛限
七月十五日○須管一切數足外劄付本司更切嚴
緊催促施行本司已卽時牒轉運司遵依聖旨指揮
火急催發施行去後今據轉運副使逢汝乘徐林公
文契勘本路上供筭米係以秋苗樁辦自經兵火之
後多有逃闕及間有災傷年分所催稅賦例皆不及
舊額其上供之數逐年並蒙朝廷除豁祇以實催米
數起發照對上供米舊額一百二十六萬九千碩會

計紹興六年一路實催秧苗止有九十八萬三千三百五十九碩一斗六升雖蒙減免止供一十六萬九千碩外猶一十一萬六千石係是實催苗米外虛數無所從出分和糴米減免三萬外收糴三十七萬石緣虔筠州見有盜賊收糴未足截日終已糴二十四萬三千五百九石六斗五升及紬絹折納米五萬六千八百一十三石六斗九升三合已上三色共實合發米一百三十八萬三千六百八十二石五斗三合

依准逐次所降指揮科撥內二十萬石應副行營左

梁巖全集

卷九十六

八

護軍四十萬石岳太尉三十萬石張少保十一萬七千一百四十三石七斗六升三合就支外只有三十六萬四千八百七十二石一斗係元撥付江州及改撥行營左護軍米應副老少江州樁管之數近准五月四日都督府劄子指揮於上件改撥米內轉發八萬石往廬州截日通已支發過江州樁管米共一十萬一百石外自餘未發江州米二十六萬餘石見曉夕極力催督起發緣本路遞年所催秧苗盡充上供外諸州不無逐逐侵用數日見據洪州申科折糶米

一萬三千餘石折科馬料七百二十七石并據虔州
申秋苗上納到四萬餘石遣兵招捕盜賊調發將兵支
過口食別無從出不免侵支上供米元千一百餘石
已係知州孫祐自劾申奏及吉州申廬陵吉水永豐
大和縣共八千三百七十八戶委被虔賊燒劫逃移
去年二稅無從催理已委官覆覓及申尙書省乞行
闔放兼虔州南安軍盜賊未息見蒙朝廷遣兵收捕
有合除豁數目並在上項實催苗米之內其合起赴

江州米卽無四十五萬七千七百餘石之數本司已

梁谿全集

卷九十六

九

節次開具前項秋稅不及舊額等因依申朝廷乞以
實催糴到米數起發去訖今推前項指揮本司除已
遵依緊行催督逐州軍據合發米數火急依限起發
外由本司并帖子契勘本路逐年實催苗米每歲侵
支殘欠常不下十餘萬石且如紹興三年計一十八
萬九千二百餘石四年計一十二萬三千五百餘石五年
係早傷實催數少亦計十萬一千餘石所有紹興六
年實催計九十八萬餘石比之遞年數多又緣盜賊
未息且約侵支殘欠一十五萬石其未發江州米二十

六萬餘石若除上項侵支殘欠一十五萬石約止有
未起發米一十一萬餘石通已發過一十萬餘石共
計二十一萬餘石係江州椿管之數又小帖子契勘
所催秋苗從來每年有人戶殘零拖欠比年以軍事緊切
督責州縣嚴行拘催如吉州有官人蕭嗣宗郭振民
臨江軍鄒迪功等皆是抵頑不納稅賦並具申朝廷
已皆行遣以此可見本司與州縣非不用心督責嚴
切止緣民戶凋殘盜賊尙多不無拖欠之數伏乞照

會英

卷九十六

十

梁谿全集

卷九十六

十

右契勘江西一路自兵火殘破之後又經旱災人戶
凋耗雖去年稍得豐稔人戶未盡歸業田土荒廢尙
多謂如洪州分宜奉新等縣人戶所存總有十之三
四其餘縣分號爲多處不過十之六七通一路計之
多寡相補纔及承平之半稅賦自然難以及額又加
虔州累年盜賊猖獗稅賦往往催科不行吉撫筠袁
等州亦有盜賊殘擾去處遂至苗稅亦多拖欠若不
以實人之數起發上供一切督迫州縣必欲及承平
額數不惟無所從出兼恐州縣不免數外科數重困

人戶非獨不足以仰副朝廷寬恤之意亦使官吏虛負罪責所有轉運司具到前項因依伏望聖慈詳酌特賜睿旨施行

謝賜夏藥並銀合茶藥表

臣綱言伏蒙聖恩特降中使傳宣撫問賜臣暑藥兼銀合茶藥臣已望闕謝恩祇受訖者憫藩方之修捍深軫天慈賜御府之匪頒遠迂星使拜恩優渥拊已凌兢艸皇帝陛下道格天淵仁漸動植總英豪而駕御復土宇之版章知臣下之勤勞載隆體貌當炎蒸之鬱勃特示眷存北苑靈芽滌煩消渴上方珍劑愈病析醒顧臣何人亦膺此賜竭犬馬之力願盡瘁於衰年進藥石之言誓少酬於鴻造

謝轉金紫光祿大夫表

臣綱言伏蒙告命特轉金紫光祿大夫累具奏辭免蒙詔不允不得再有陳請臣已望闕謝恩祇受訖者假守踰年未塞剖符之責誤恩增秩更叨出綍之榮雖具列於危悼曾莫同於淵聽仰承明命彌切厚顏

謝伏念臣猥以瑣材幸陪休運荷分闔一方之寄折

長江千里之衝撫字雖勞曾未蘇於凋瘵芟夷無術
初莫變於剽輕乏糞遂渤海之能愧汲黯淮南之治
佩牛帶犢舊習猶存暴甲彘弓茲風未見宜在黜幽
之典乃蒙褒進之恩抗章莫遂於循墻拜賜實同於
臨谷寵光若此報稱謂何此蓋伏遇皇帝陛下盛德
包荒至仁善貸執賞罰之大柄示磨勵之宏規每於
臣鄰曲加體貌致茲懋賞濫及孤蹤臣敢不深體眷
懷益思勉勵竭犬馬之力雖莫報於乾坤遂麋鹿之
心尙有所於君父

梁谿全集

卷九十六

十一

梁谿先生文集卷第九十六未審

梁溪先生文集卷九十七

特進觀文殿大學士致仕隴西郡開國公食邑
四千四百戶食實封一千七百戶贈太師謚忠
定李綱著

奏議

應副新度州張鬻錢糧在職待罪奏狀

乞屯兵江州防秋奏狀

指置本路盜賊奏狀

乞戒約捕賊亂行斫級希求功賞等奏狀

梁谿全集

卷九十七

約束統官兵招捕盜賊奏狀

乞將上供錢米應副李貴軍馬奏狀

李綱著

四千四百戶食實封

一千七百戶食實封

特進觀文殿大學士致仕隴西郡開國公食邑

梁溪先生文集卷九十七

應副新虔州張甯錢糧在職待罪奏狀

勘會近奉聖旨令湖南差統制官步諒軍馬前來江西會合李貴措置盜賊權聽本司節制其步諒統押官兵已到吉州本司尋行差撥前去虔州駐劄措置盜賊權聽新知虔州張甯使喚去後今月初七日據張甯申契勘統制官步諒軍馬一行錢糧依先降指揮合係本路轉運司應副今來轉運司只行下虔州令於稅米內支錢於應副安撫司錢及轉運司入色錢內支緣

梁谿全集卷九十七

二

虔州見今盜賊從橫諸縣道路不通財用闕絕訪聞六月內支軍糧米尚欠二百石支遣不過七月以後月分各合支七千餘石未有一粒至十月方納稅米見今委無稅米可支八月冬衣錢合支五萬貫九月賞給錢合支二萬貫亦未有一文近蒙轉運司差屬官前來剗刷雖平準務本錢並已刮刷盡絕委實無錢可支竊慮步諒軍馬到州目下並無錢糧決致生事甯恭依聖旨指揮前去赴任已到吉州訖爲見虔州闕乏實是怯

儒逕留不敢前去交割除已具狀申朝廷乞賜先次
罷黜外乞指揮移文轉運司真實那移錢米應副施
行勘會新知虔州張覺近因經由洪州赴本司稟議
有劄子稱虔州闕乏尤甚官司窘迫目下經營無緣
便有所濟乞本司支借錢米專充招捕盜賊使
用本司已於昨得朝廷指揮帶糴米內支借米五千
石於回易錢內支借一萬貫分支物貨等總計二千
餘貫應副前去訖今又據前項申述契勘虔州緣諸
縣各有盜賊難於催科及本州官吏有失措置遂致
財賦大段闕乏目前已是闕乏錢糧支給官兵請受
今來步諒一軍雖蒙朝廷指揮許於湖南樁撥錢糧
應副文移往返卒未能副目前支遣其轉運司所撥
各色官錢多係本州日前使過卽無見存之數又有
軍衣賞給等數目浩瀚本官到任之初委難責辦若
非朝廷特降指揮應副夾致誤事本司照對見管朝
廷出賣鈔引錢一面逐急於數內支撥一萬貫並再
於帶糴米內支撥三千石給付本官及牒轉運司將

實管錢米輟那應副虔州目前急闕並劄新知虔州

張覺催促起發星夜前去赴任外所有虔州有餘闕之
錢糧伏望聖慈特降睿旨施行

貼黃

契勘本司累具奏聞乞將本路上供錢米應

副李貴兵馬支遣却於福建路椿收元贍養李

貴軍馬錢糧起發上供及將本路月椿錢應副

步諒軍馬支用却令湖南椿收元贍養步諒軍

馬錢糧就近發往鄂州未奉回降指揮竊緣本

路州縣錢米除上供月椿外別無寬剩之數若

梁谿全集

卷九十七

四

朝廷止令轉運司趙那應副委是無所從出伏

望聖慈速降睿旨與決施行

乞屯兵江州防秋奏狀

臣竊聞思患預防與事至輒應者利害相去甚遠平

時不思爲預防之計及事至而應豈不有誤國家之

大計耶目今僞齊之兵爲劉光世擊敗於淮淝之上

其餘破亡殘黨散走嘯聚往來於淮西之間斬黃兩

州旣有岳飛等軍屯駐鄂渚分布策應照得斬黃兩

州實爲對境斬黃卽江州之脅背江州卽江西之咽

喉也萬一敗亡之卒批亢擣虛延入內地使不預爲之計臨時緩急調發於他郡則受敵之際旁需救援豈不誤事哉况蘄黃等州與江州烟火相望通淮之路大小十數馬行不過三四日步軍不過七八日便抵江西若無屯駐軍馬防托要害受敵必速他郡救援非月餘不至何益於事臣竊謂淮西之舒蘄黃與淮東之通泰事頗相類京口無兵則無以護通泰九江無兵則無以援舒蘄舒蘄不守則江西受敵矣臣

已依指揮將江西等州兵將許臣勾抽使喚照得江西盜賊已漸息將遂州所屯駐兵勾抽一半起發

梁谿全集

卷九十七

五

分布控扼所有一半仍舊屯駐討捕盜賊未至淨盡去處其隸將兵雖例前去差撥竊慮遂州占吝不爲發遣兼蒙朝廷差到李貴步諒人兵皆在虔州措置盜賊相去遠緩急難以勾抽使喚沿江一帶險要去處並無人兵分布防守况車駕駐蹕建康如江州等處最爲上流重地又與去年防秋事體不同理宜分屯大兵以爲控守朝廷必已行下措置本司亦不曾被受指揮伏望聖慈特降睿旨早賜詳酌施行

措置本路盜賊奏狀

契勘臣去年春夏間到官之初適當旱歲斗米至千餘錢盜賊稀少蓋緣遠方之民但見朝廷除本路安撫制置大使意謂所統軍馬必多巨寇既不敢起小盜隨亦寔息至今年春因虔州官吏失於撫循引惹生事致周十隆謝小鬼等殘破屬邑侵犯吉州永豐吉水等縣本司差將兵前去討捕每頭項不過數百人雖幸殺敗過其克紈使復歸巢穴然兵力單弱不能深入窮其根株相繼福建路李貴一項軍馬前來

梁谿全集

卷九十七

六

與賊相持山林險阻之地久未有功旁近兇徒窺見官軍勢力弗強各有跳踉之志雖去歲豐稔粒米狼戾斗米不過百錢而鼠竊狗偷紛紛不已誠有以致之也虔化賴漏八揚三十四兩項賊徒相繼侵犯撫州勢頗飄暴本司遣統領官王彥將本郡軍馬前去會合臨川知縣王時率弓兵土豪深入討捕已招降到楊三十四等其賴漏八等亦爲土豪所殺見擒捕到徒黨百數十人付撫州建昌軍推治袁州萍鄉縣有湖南及吉州太和縣賊徒石鐵牌鍾牛皮賀和尚

等嘯聚作過本司遣申世景下將馬仙將所部軍馬
前去討捕並已招捉了當筠州高安縣近有熊青等
賊徒去城數十里劫掠人戶知縣步汝霖縣尉李珏
年弱親前去討捕爲賊所害及殺傷官兵弓手土豪
甚衆本司遣發統領官王彥前去討捕已擒獲賊首
熊青等八名解赴本司凌遲處斬訖並斬賊徒一十
六級見又委巡尉搜捕殘黨惟是吉州永豐縣賊首
李安淨出沒於崇仁新淦永豐等縣作過雖中間爲

王彥殺獲徒黨一百二十餘人又復嘯聚至今猶未

梁谿全集

卷九十七

七

敗獲不逞之徒往往借其聲勢劫掠村疇本司近已
再遣王彥自筠州前去會合已遣軍馬須管於日下
捕獲外撫吉筠袁等州目下別無作過盜賊唯是虔
州周十隆謝小鬼與其餘已受招安不離巢穴之人
如張收等十數項賊徒深慮秋冬之交結集作過又
有劉宣一項賊馬見在本路與廣東兩界首及古政
李才等數千人見在湖南與本路兩界首來往作過
今冬勢須過爲隄防臣已與新知虔州張覺商議措
置也李貴步諒兩軍於旁近遣元孫本州招安使人

羅武賴勝錢響等入賊說諭周十隆謝小鬼張收等
令放散徒黨赴州公叅與免罪犯不奪已補官資其
家依舊聽納租稅因令挈家居於州城漸次遣發赴
本司聽候朝廷指揮其有不從者會合軍馬討捕更
不招安庶幾革去舊習不致養成後患所有劉宜古
政李才等賊徒一併遣發東南第六將兵前去討捕
伏願聖慈降旨朝廷更賜指揮施行

乞戒約捕賊亂行斫級希求功賞等奏狀

契勘本路州縣管下遇有盜賊作過遣發官兵前去
梁谿全集

卷九十七

八

討捕其統兵招捉官多是逼逐賊徒出界或擒獲到
些小徒伴便於申報捷狀內循習近年體例妄稱與
賊見陣棄頭不斫追殺數十里橫尸遍野墮落峽谷
滄溟江河不計其數殘零賊徒別無蹤緒其招到賊
伙亦不令出公叅及揀選存留強壯人止稱並已給
據放散遂致賊徒得爲姦計聚散出沒終不敗蕪兼
保明功狀難以覈實推賞本司已行下統兵官仰今
後捉殺盜賊告諭捕賊士卒如遇見陣殺敗賊徒並
須要斫到首級赴官驗認其生擒之人不得殺戮盡

數押赴統兵官軍前驗實送解所屬根勘如在兩界
首討捕不以遠近追襲卽不得以趕散出界爲名便
行抽回軍馬仍仰統兵官置藉錄記立功姓名狀具
的確見陣得功因依殺到首級及生擒人數結罪保
明供申以憑委官檢驗陣傷覈實推賞仍戒約不得
亂將平民殺害祈級充數希求功賞如本司覺察得知其
統轄官部隊使臣以下並當次第重有行遣若委有
逼逐落崖溺水之人亦仰統兵官驗實保明的確死
損人數同申卽不得依前泛濫供報如遇招安賊火
梁谿全集

卷九十七

九

仍遵依前所行指揮盡要正次首領出官公叅拘敗
器械燒毀寨柵將一行徒伴揀選強壯堪披帶之人
並行存留在軍具數申取指揮施行外伏望聖慈特
降睿旨令朝廷更賜詳酌行下庶幾有所遵守

約束統兵官招捕盜賊奏狀

勘會虔州管下見有兇賊周十隆謝小鬼等結集作
過累准朝廷及都督府指揮令催督本司李貴措置
招撫如不聽從卽會合將兵討捕本司尋行下李貴
催督遵依施行及一十二次劄下虔州四次劄下

東南第六將催差將兵起發前去會合討捕六次據
虔州申承李貴申周十隆等不從招撫乞差將兵前來
討捕已帖將官曹綱日下部領將兵前去本司續又
五次徑劄下曹綱催促進發至五月初五日據李貴
申周十隆等不從招撫已兩次進兵殺敗賊徒外賊
首周十隆謝小鬼及自餘賊徒走散未獲已申虔州
乞差將兵巡尉前來會合討捕至今未到本司遂行
下取問本州及將官曹綱具析違慢不卽起發將兵
前來會合因依及具狀申乞朝廷指揮施行去後又

梁谿全集

卷九十七

十

經多日並不曾據曹綱申到已起發文狀五月
二十一日據虔州五月十四日狀申方稱見帖將官
曹綱部領將兵日下起離前去會合李貴討捕又未
見得委的會與不曾起發顯是將官曹綱全不體認
朝廷累降指揮及不聽從本司節制致誤會合討捕
走透賊徒緣本州相去虔州及東南第六將地里遙
遠每有行下調發等事動經旬日方到今來本州管
下見有盜賊作過頭項不一似此本司號令不行緩
急必致誤事伏望聖慈特降睿旨施行

梁溪先生文集卷第九十八

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

奏議

條具利害奏狀

本路闕雨乞罷免奏狀

乞宮觀劄子

乞益修政事劄子

梁谿全集

卷九十八

乞諱酌現糴晚水奏狀

四年四百戶食實封一千七百戶贈太師諡忠

特進觀文殿大學士致仕隴西郡開國公食

梁谿先生文集卷第九十八

條其利害奏狀

契勘本路盜賊久未寧息雖因民俗頑獷好復仇怨所致要是小民迫於衣食易爲克徒之所結集若使田畝之民衣食不己各有生理克惡之人不得誘爲徒黨安能一呼便集百千爲羣滋蔓猖獗臣竊見本路催起上供稅賦月椿錢及糶買數事實有未便於民間者本司已嘗具奏申陳未奉回降指揮若不別行措置小民漸至失業必至驅而爲盜遣兵討捕卒無已時致赤子之流離情實可憫臣嘗叨近輔分典要藩荷恩最深欲報無所苟有所見不敢隱默今條具如左須至奏聞者

梁谿全集

卷九十八

二

又一本司近准御前金字牌降下尙書省劄子令臣催督轉運司起發上供無額斛斛奪取到轉運司副使逢汝霖徐林狀簡文契勘本路上供米斛田畝係以秋苗椿辦兵火之後多有逃闕又間有災傷年分所催稅賦例皆不及舊額其上供之數逐年並蒙朝廷除豁只以實催米數起發照對

上供米舊額一百二十六萬九千石會計紹興

六年一路實催秋苗只有九十八萬三千三百五十九石一斗六升雖蒙減免正供一十六萬九千石外猶有一十二萬六千石係是實催苗米外虛數無所從出又虔吉南安軍盜賊未息見蒙朝廷遣兵收捕有合豁除數目係在實催苗米之數已節次開具前項秋稅不及元豁等因依申朝廷乞以實催糶納米數起發去訖申本司照會臣勘會江西一路自兵火殘破之後又經旱灾戶口凋耗雖去年稍得豐稔人戶未

得歸業田土荒廢尙多謂如洪州分宜奉新等縣人戶所存纔有十之三四其餘縣分號爲多處不過十之六七通一路計之多寡相補纔及承平之半稅賦自然難以及額又如虔州累年爲盜賊猖獗稅賦往往催科不得吉撫筠袁等州亦有盜賊殘擾去處遂致苗稅亦多拖欠若不以實入之數起發上供一切督責州縣必欲及承平額數不惟無所從出兼恐州縣不免敷外科敷重困人戶非獨不足以仰副朝廷寬恤

之意亦使官吏虛負罪責近已備錄轉運司具到前項因依奏聞伏望聖慈早降睿旨令轉運司具以實催之數起發庶幾小民不至重困流爲盜賊不勝幸甚

一本司去年內差幹辦公事韓岳前去諸州軍點檢奉行寬恤事件續據本官申筠袁州臨江軍係災傷最甚去處有不曾逃移人戶緣災傷草賊侵擾死失佃戶耕牛闕乏穀種無力輸納乞依湖南州縣已得聖旨指揮差官檢視民間耕

梁谿全集

卷九十八

四

種田疇只據所墾田畝多寡之數紐納稅租並臨江軍知軍趙士劭狀本軍日逐據清江新喻三縣民戶投訴緣去歲早歉雖不曾逃移離業實以饑貧無牛種失於布種及雖有曾布種去處又不能周遍逐縣不佳追催枷禁鞭笞要依遞年納戶下全稅乞從本軍施行竊詳紹興三年正月二十七日都督府劄子節文應人戶歸業者候催科據所墾田畝多寡之數合納租稅仍免本戶差役一年其上件投訴民戶雖不係

因逃移歸業之人蓋是戀土不忍去父母之邦緣此饑貧失於布種原情實可矜憫若不隨宜措置則追納既峻無所從出避一時刑責之患必見轉徙乞且據所墾田畝隨分數減今歲稅租等事本司已備錄前項逐官所申事理申奏至今未奉回降指揮訪聞筠袁州臨江軍災傷人戶至今緣此拖欠租稅官司催督致有逃移伏望聖慈特降睿旨下轉運司差官體究將紹興六年分人戶布種田畝不遍拖欠下稅賦見與六年分人戶布種田畝不遍拖欠下稅賦見掛欠者特與並行放免庶幾小民安業不致失所

一契勘本路每月應副岳飛大軍月椿錢九萬餘貫自來係以輕齎金銀相兼見錢起發昨緣湖北隨軍運判劉延平移文只令起發見錢自後諸州不惟艱於應辦其裝發糜費亦不易出自去年四月臣到任以來催督至今共起發過一百七十餘萬貫本路錢寶泄於他路不復可還

民間闕乏號爲錢荒以故穀賤傷農民戶輸納

受稅戶帖應干名色難得見錢間里愁歎至今
委棄田產逃移者多若不別行措置將來愈見
闕誤本司昨准金字牌降到御封尚書省劄
子催起發月椿錢連到狀式立限取會已未
起發輕齋窠名斤兩數目以此見得諸路應副
大軍皆合用金銀相兼椿發累曾具奏狀聞伏望
聖慈特降睿旨行下轉運司許令諸州將所認
月椿錢計置輕齋與見錢相兼起發仍照應在
市價例務令兩不相妨庶幾可以椿辦不致走

泄錢寶民間交易及輸納官中不至闕乏實爲
利便

一契勘自來朝廷行下轉運司糴貫斛斛如有糴
本則官中得米民間得錢兩爲利便近年多是
頒降告勅牒與見錢相兼已是難以行使今來朝
廷降下本路和糴專用一色關子雖有許撥經
制總制錢指揮緣應副贍軍多無見管錢物深
慮糴買不行州縣不免抑配重困民力竊緣商
賈興販斛斛赴官糴納猶可給與關子令赴所屬支

請今來客旅興販稀少唯是糴於鄉村民戶積
累升斗以足額數鄉民中糴得些小關子豈能
前去數千里外官司請領必爲兼弁之家以賤
價取之羸落官錢規圖厚利朝廷所費則一小
民受害徒爲富商大賈之資深屬未便伏望聖
慈特降睿旨令朝廷支降見錢與關子相兼糴
買糴於鄉村卽給見錢糴於商賈卽給關子庶
幾小民獲愛實惠不至重困一路不勝幸甚

右件如前謹錄奏聞伏候勅旨

梁谿全集

卷九十八

七

本路闕雨乞罷免奏狀

右臣契勘本州自七月以後不再遣官致禱管下神
祠佛宇應有仙聖靈跡去處及築壇塑龍迎請聖水
躬親齋素日事祈求雖獲感應並皆微細不得霑足
見今晚田已是亢旱此蓋守土之臣德薄人微繆當
方面之寄精神不足以感格政術不足以共理致茲旱
曠單及一方伏望聖慈特賜罷免遴選帥守以寬憂
願臣不勝祈天俟命激切屏營之至

乞官觀劄子

臣契勩自今春以來實緣衰病屢上封章乞罷帥權
投置閑散未蒙矜允近爲本州入秋閏雨已覺亢旱
罪在守土之臣已具奏聞乞從罷免未奉回降指揮
竊念臣憂患孤生早衰多病久苦瘡瘍復得筋攣之
疾行步蹇緩拜跪艱難加以素有疾眩醫治弗效動
多遺忘常恐顛仆一路軍民之寄事體至重倘不量
力勉強負荷決致踈虞伏望聖慈特賜哀矜許令罷
免除一在外宮觀差遣任便居住庶幾疲駑得就休

息尙霑廩餼以養餘齡感戴天地之恩何以圖報干
梁谿全集

卷九十八

八

冒宸嚴臣無任

乞益修政事劄子

臣聞和氣致祥乖氣致沴天人之際應若影響不可
誣也政令和平合於民心天應以福雨暘時若而爲
豐歲此和氣致祥之效也政令乖戾拂於民心天應
以災水旱備至而爲凶年此乖氣致沴之符也豐凶
之本乃在人主心術朝廷措置之間宗社之安危生
靈之休戚係焉可不懼乎前年江湖閩浙嘗苦大旱
流離失業殍踣相望陛下軫念之深不遑暇食親灑

宸翰勸誘賑濟其所全活不知其幾千萬人至誠動
天報以休應曰雨而雨日暘而暘歲大豐穰民以安
樂自經一稔之後上下恬嬉不復勤恤民隱朝廷意
民間之有畜積百色誅求上供不以實數而以虛額
和糴不以本錢而以關子絲蠶未生以督供輸禾穀
未秀已催裝發州縣困於轉輸文移急於星火官吏
愁嘆閭里怨咨感動天心旱災復作江湖淮浙所被
甚廣歲且艱食人情驚疑如居風濤洶洶靡定然則
陛下欲消弭災異導迎吉祥不必他求但如前日之

梁谿全集

卷九十八

九

用心自然感召氣休應立臻則旱暵必復爲豐年
矣昔周宣遇災而懼側身修行欲銷去之而王化復
行雲漢之詩是也安知旱暵之災不爲中興之資乎
願詔朝廷益修政事凡所以賑救民災給足軍食者
早整素備無待倉猝取具於臨時也方今強虜憑陵
僭竊窺伺屯兵淮潁以爲控扼欲進則未能欲退則
不可開口待哺於縣官者數十萬人平時運餉已極
勞費歲一不稔將何以給之夫今日之患欲民力寬
則軍食闕矣欲軍儲裕則民財匱矣二者如鐵炭低

昂此首重則彼尾輕非有術以權之使歛不及民而軍食足不可得而均也孟子曰無政事則財用不足今屯兵之數不多於前時而養兵之費十倍於往日死生來去無藉可稽上功行賞無實可考轉資遷秩者動以萬計廩祿之費又不知其幾何也開端者不可復斂放行者不可復收日益月加無時而已天地之生財有時人力之理財有限而度量不立於其間養兵之費有增無減坐致耗屈竭出於民謂之有政事可乎此臣之所以日夜爲陛下寒心者也夫政事

梁谿全集

卷九十八

十

立然後財用足財用足然後軍食給軍食給然後民力寬民力寬然後天心格天心格然後和氣可召而爲豐年此臣之所以願陛下救今日之弊以修政事爲先也臣仰察天時俯揆人事今日誠爲危急存亡之秋惟陛下念宗社生靈之重圖爲善後長久之策留神邦本天下幸甚臣以衰病屢乞閑散將歸山林不勝憂國之情輒復自竭陳其大略以瀆天聽如聖心尙有所疑願賜清問得以展盡底蘊爲陛下詳言之

之誓罄狂瞽仰酬大恩臣無任

乞詳酌見糴晚米奏狀

右臣契勘本路春夏之間雨暘調適早禾已是成熟
收割了自入秋以來闕少雨澤已覺亢旱又生青蟲
食害苗稼見今祈禱未獲感應若更旬日內無雨晚
田决致旱傷竊見朝廷近降指揮受納秋苗及和糴
米斛並要一色晚米竊慮既不糴納早禾晚稻又失
指揮有悞大計伏望聖慈特降睿旨令朝廷更賜詳
酌施行

梁谿全集

卷九十八

十一

08561

梁谿先生文集卷第九十八

